

1. ძირითადი საქმიანობა და ზოგადი ინფორმაცია

შპს "პეტრე შოთაძის სახელობის თბილისის სამედიცინო აკადემია" საქმიანობას ახორციელებს საქართველოს კანონმდებლობის შესაბამისად. შპს "პეტრე შოთაძის სახელობის თბილისის სამედიცინო აკადემიის" ს/კ (204861961) სახელმწიფო რეგისტრაცია განხორციელდა 1996 წელს, მარეგისტრირებელი ორგანო თბილისი ვაკის რაიონის სასამართლო.

რეგისტრირებული იურიდიული მისამართი: საქართველო, ქ.თბილისი, ისნის რაიონი, ქეთევან წამებულის გამზირი, #51/2.

ფაქტობრივი მისამართი: ქ. თბილისი ისნის რაიონი, ქეთევან წამებულის გამზირი, #51/2.

დასაქმებულთა საშუალო რაოდენობა 2024 წელს შეადგენს 187 ადამიანს. (2023 - 168).

კომპანიის დამფუძნებელს წარმოადგენს: ირინე შოთაძე პ/ნ (465912257, 01017002643 /აშშ/)-100% წილობრივი ფლობით.

კომპანიის მმართველობის ორგანო შედგება შემდეგი წევრებისგან:

2024 წლის 31 დეკემბრის მდგომარეობით: თავმჯდომარე/წევრი: პნ/ 01030004891 დავით ბახტაძე, თავმჯდომარის მოადგილე/წევრი: პ/ნ 01002019102 გიორგი მელიქიშვილი, წევრი : გიორგი ნუცუბიძე პ/ნ 01017012086.

კომპანიის საქმიანობის ძირითად მიმართულებას 1992 წლიდან წარმოადგენს უმაღლესი საგანმანათლებლო საქმიანობა, ლიცენზიის გაცემის თარიღი 03,07,1992 წელი, ლიცენზიის # 01-17-08/877. კომპანიის თავდაპირველ სახელწოდებას წარმოადგენდა შპს „თბილისის სამედიცინო აკადემია“. 2001 წლიდან კომპანიის სახელწოდებაა შპს „პეტრე შოთაძის სახელობის თბილისის სამედიცინო აკადემია“. კომპანიის სახელმწიფო რეგისტრაციის თარიღია 31.12.1996 წელი. # 5/4-1092 .

2. შედგენის საფუძველი

2.1 განცხადება შესაბამისობის თაობაზე

კომპანიის ფინანსური ანგარიშგება მომზდებულია ბუღალტრული აღრიცხვის საერთაშორისო სტანდარტების საბჭოს მიერ გამოცემული მცირე და საშუალო საწარმოთა ფინანსური ანგარიშგების საერთაშორისო სტანდარტების (მსს ფასს) საფუძველზე.

2 შედგენის საფუძველი (გაგრძელება)

2.2 საქმიანობის უწყვეტობა

წინამდებარე ფინანსური ანგარიშგება მომზადებულია იმის დაშვებით, რომ კომპანია წარმოადგენს მოქმედ საწარმოს და პროგნოზირებად მომავალში გააგრძელებს ფუნქციონირებას.

2.3 მომზადების საფუძველი

ფინანსური ანგარიშგება მომზადდა ისტორიულ ღირებულებებზე დაყრდნობით. თითოეული კატეგორიების აქტივებისა და ვალდებულებების შეფასების დეტალები განხილულია ქვემოთ მითითებულ შენიშვნებში.

2.4 საოპერაციო და საანგარიშგებო ვალუტა

საქართველოს ეროვნული ვალუტა არის ქართული ლარი. რომელიც ასევე წარმოადგენს კომპანიის ფუნქციონალურ ვალუტას.

ფინანსური ანგარიშგება მომზადებულია და წარმოდგენილია ქართულ ლარში.

უცხოურ ვალუტაში წარმოდგენილი ოპერაციების ასახვა ბუღალტრულ ანგარიშგებაში ხორციელდება ოპერაციების განხორციელების დღეს არსებული კურსის გამოყენებით.

~

3. ბუღალტრული აღრიცხვის მნიშვნელოვანი პოლიტიკები

3.1 უცხოურ ვალუტაში განხორციელებული ოპერაციები

ფინანსური ანგარიშგების მომზადების მიზნებისთვის უცხოურ ვალუტაში განხორციელებული ოპერაციები გადაიყვანება ტრანზაქციის განხორციელების დღისთვის საქართველოს ეროვნული ბანკის მიერ დადგენილი გაცვლითი კურსის მიხედვით. არაფულადი მუხლების გადაანგარიშება წლის ბოლო კურსით არ ხდება და ისინი ბალანსში წარდგენილია ისტორიული ღირებულებით. ფინანსური ანგარიშგების მომზადებისას უცხოურ ვალუტაში არსებული მუხლების გადაფასებისთვის გამოყენებული გაცვლითი კურსები შემდეგნაირია:

ვალუტა	ოფიციალური გაცვლითი კურსი	
	12.31.2024	12.31.2023
დოლარი/ლარი	2.8068	2.6894
ევრო/ლარი	2.9306	2.9753
გირვანქა სტრლინგი/ლარი	3.5349	3.4228
ჩინური იუანი/ლარი	0.3845	0.3782

3 ბუღალტრული აღრიცხვის მნიშვნელოვანი პოლიტიკები (გაგრძელება)

3.2 ძირითადი საშუალებები

ძირითადი საშუალებები აღირიცხება თვითღირებულებით, რომელსაც აკლდება დაგროვილი ცვეთისა და გაუფასურების ხარჯი, თუ ამის აუცილებლობა არსებობს.

ძირითადი საშუალების თვითღირებულება მოიცავს:

- ა) მისი ნასყიდობის ფასს, საიმპორტო საბაჟო გადასახადებისა და შესყიდვის ფასს დაუბრუნებადი გადასახადების ჩათვლით, ყოველგვარი სავაჭრო ფასდათმობებისა და შეღავათების გამოკლების შემდეგ;
- ბ) ნებისმიერ დანახარჯს, რომელიც პირდაპირ დაკავშირებულია აქტივის დანიშნულების ადგილამდე მიტანასთან და სამუშაო მდგომარეობაში მოყვანასთან, რაც აუცილებელია აქტივის გამოსაყენებლად ხელმძღვანელობის მიერ დასახული მიზნებისათვის;
- გ) აქტივის დემონტაჟის, ლიკვიდაციისა და ადგილმდებარეობის აღდგენის დანახარჯების თავდაპირველ შეფასებას, რის ვალდებულებასაც საწარმო იღებს შეძენის მომენტში ან, შემდეგში, როდესაც გარკვეული დროის განმავლობაში საწარმო აქტივს იყენებს სხვა საქმიანობისათვის, გარდა მარაგის წარმოებისა.

ზარალი, რომელიც წარმოშობილია ძირითადი საშუალების ჩამოწერიდან აღიარდება მოგება-ზარალის ანგარიშგებაში.

დანახარჯები კაპიტალიზდება იმ შემთხვევაში, თუ შესაძლებელია ეკონომიკური სარგებლის მიღება მომავალში, ყველა სხვა ხარჯი, მათ შორის შეკეთება აღიარდება ხარჯებში, მოგება-ზარალის ანგარიშგებაში მისი მოხდენისთანავე.

ცვეთა ერიცხება შემცირებადი ნაშთის მეთოდით და ცვეთის ხარჯი აღიარდება მოგება-ზარალის ანგარიშგებაში თითოეული აქტივის სასარგებლო მომსახურების ვადის შეფასების საფუძველზე. ცვეთის დარიცხვა იწყება მას შემდეგ, რაც შესაძლებელია აქტივის გამოყენება. ძირითადი საშუალებების ჯგუფისთვის განსაზღვრული პროცენტი წარმოდგენილია შემდეგნაირად.:

- შენობა ნაგებობები - 5 %
- ოფისის აღჭურვილობა და ინვენტარი 20%

აქტივის ნარჩენი ღირებულება წარმოადგენს შეფასებით თანხას, რომელსაც კომპანია ამჟამად მიიღებდა აქტივის გაყიდვიდან, (გაყიდვისათვის საჭირო დანახარჯების გამოკლებით), თუ აქტივს უკვე ექნებოდა მისი სასარგებლო მომსახურების ვადის ბოლოს მოსალოდენელი ასაკი და მდგომარეობა. აქტივის ნარჩენი ღირებულება ნულია, თუ კომპანია აპირებს მის გამოყენებას აქტივის მთელი ფიზიკური ვადის განმავლობაში. აქტივების ნარჩენი ღირებულება და სასარგებლო მომსახურების ვადა გადაისინჯება და საჭიროების შემთხვევაში იცვლება ბალანსის მომზადების თარიღისთვის.

3 ბუღალტრული აღრიცხვის მნიშვნელოვანი პოლიტიკები (გაგრძელება)

3.3 არამატერიალური აქტივი

კომპანიას აქვს ბალანსზე რიცხული არამატერიალური აქტივები.

3.4 სავაჭრო და სხვა მოთხოვნები

სავაჭრო და სხვა მოთხოვნები მომდევნო პერიოდებში იზომება ამორტიზებული ღირებულებით, ეფექტური საპროცენტო განაკვეთის მეთოდით. მოკლევადიანი მოთხოვნები, რომელთაც პროცენტი არ ერიცხება აღირიცხება ნომინალური ღირებულებით. ამოუღებელი თანხების სავარაუდო ოდენობის შესაბამისი ანარიცხები აღიარდება მოგება-ზარალში მაშინ, თუ არსებობს აქტივის გაუფასურების ობიექტური მტკიცებულება. აღიარებული ანარიცხები იზომება, როგორც სხვაობა აქტივის საბალანსო ღირებულებასა და საწყისი აღიარებისას მიღებული სავარაუდო ფულადი ნაკადების მიმდინარე ღირებულებას შორის, როდესაც ეს უკანასკნელი ეფექტური საპროცენტო განაკვეთით არის დისკონტირებული.

3.5 სასაქონლო-მატერიალური მარაგები

სასაქონლო-მატერიალური მარაგების შეფასება ხდება მის თვითღირებულებასა და ნეტო სარეალიზაციო ღირებულებას შორის უმცირესი თანხით. თვითღირებულება გამოითვლება საშუალო შეწონილი მეთოდის გამოყენებით. ნეტო სარეალიზაციო ღირებულება არის წმინდა თანხა, რომლის მიღებასაც საწარმო მოელის ჩვეულებრივი სამეურნეო საქმიანობის პროცესში მარაგის გაყიდვის შემდეგ.

3.6 იჯარა

იჯარა კლასიფიცირდება ფინანსურ იჯარად, თუ იგი ითვალისწინებს აქტივის საკუთრებასთან დაკავშირებული ფაქტობრივად ყველა რისკისა და ეკონომიკური სარგებლის გადაცემას საწარმოსათვის. ყველა სხვა იჯარა კლასიფიცირდება ჩვეულებრივ (საოპერაციო) იჯარად. ჩვეულებრივი იჯარის ფარგლებში გადასახდელი საიჯარო გადასახდელები აისახება მოგებაში ან ზარალში წრფივი მეთოდით, შესაბამისი იჯარის ვადის განმავლობაში. ჩვეულებრივი იჯარის ფარგლებში საწარმოს მიერ მიღებული საიჯარო შემოსავალი აღიარდება მოგებაში ან ზარალში წრფივი მეთოდით, შესაბამისი იჯარის ვადის განმავლობაში

3 ბუღალტრული აღრიცხვის მნიშვნელოვანი პოლიტიკები (გაგრძელება)

3.7 ფინანსური იჯარა

იჯარის ვადის დასაწყისისათვის კომპანია აქტივის გამოყენებაზე და ვალდებულებებს ფინანსურ იჯარაზე აღიარებს ფინანსური მდგომარეობის ანგარიშგებაში, როგორც აქტივებს და ვალდებულებებს საიჯარო აქტივის რეალური ღირებულების ტოლი თანხით ან, თუ მასზე ნაკლებია, მინიმალური საიჯარო გადასახდელების დღევანდელი ღირებულებით, რომელიც განისაზღვრება იჯარის დასაწყისში. მოიჯარის ნებისმიერი თავდაპირველი პირდაპირი დანახარჯი (დამატებითი დანახარჯები, რომლებიც უშუალოდ არის დაკავშირებული საიჯარო გარიგების მოლაპარაკებასა და გაფორმებასთან) ემატება აქტივის სახით აღიარებულ თანხას.

მინიმალური საიჯარო გადასახდელების დღევანდელი ღირებულების გასაანგარიშებელი დისკონტირების განაკვეთს წარმოადგენს საიჯარო ხელშეკრულებაში ნაგულისხმევი საპროცენტო განაკვეთი, თუ მისი დადგენა შესაძლებელია; თუ არა, გამოიყენება მოიჯარის ზღვრული სასესხო საპროცენტო განაკვეთი.

3.8 ფინანსური ინსტრუმენტები

ფინანსური აქტივები და ფინანსური ვალდებულებები

ფინანსური ინსტრუმენტი არის ნებისმიერი ხელშეკრულება, რომელიც წარმოშობს როგორც ერთი საწარმოს ფინანსურ აქტივს, ასევე მეორე საწარმოს ფინანსურ ვალდებულებას ან ნაწილობრივ ინსტრუმენტს.

ფინანსური ინსტრუმენტების აღიარება, შეფასება და ჩამოწერა

ფინანსური აქტივი და ფინანსური ვალდებულება აღიარდება, მას შემდეგ, რაც კომპანია ხდება ფინანსური ინსტრუმენტის სახელშეკრულებო პირობების მონაწილე.

ძირითადი ფინანსური აქტივების კლასიფიკაცია

- ფულადი სახსრები;
- სავაჭრო მოთხოვნები და ვალდებულებები
- მოთხოვნამდე დეპოზიტები და ვადიანი დეპოზიტები;
- სესხებთან და ანგარიშებთან დაკავშირებული მოთხოვნები და ვალდებულებები;

თავდაპირველი შეფასება

როდესაც ფინანსური აქტივი ან ფინანსური ვალდებულება პირველად აღიარდება კომპანია მას აფასებს გარიგების ფასით გარიგების დანახარჯების ჩათვლით, (ისეთი

3 ბუღალტრული აღრიცხვის მნიშვნელოვანი პოლიტიკები (გაგრძელება)

ფინანსური აქტივებისა და ვალდებულებების გარდა, რომლებიც შემდგომში უნდა შეფასდეს რეალური ღირებულებით) თუ შეთანხმება თავისი არსით არ წარმოადგენს ფინანსურ ოპერაციას საწარმოსთვის ან მისი კონტრაგენტისთვის.

თუ შეთანხმება ფინანსურ ოპერაციას წარმოადგენს საწარმომ ფინანსური აქტივი ან ფინანსური ვალდებულება უნდა შეაფასოს მომავალი გადასახდელების დღევანდელი ღირებულებით. რომელიც დისკონტირებულია მსგავსი სავალო ინსტრუმენტისთვის გამოყენებული საბაზრო საპროცენტო განკვეთით და განისაზღვრება თავდაპირველი აღიარებისას.

შემდგომი შეფასება

ყოველი საანგარიშო პერიოდის ბოლოს კომპანია სავალო ინსტრუმენტებს აფასებს ამორტიზებული ღირებულებით, ეფექტური საპროცენტო მეთოდის გამოყენებით. ისეთი სავალო ინსტრუმენტები, რომლებიც კლასიფიცირებულია, როგორც მოკლევადიანი ვალდებულებები და მოკლევადიანი აქტივები ფასდება გადასახდელი ან მისაღები ფულადი სახსრების (სხვა სახის კომპენსაციის) არადისკონტირებული ღირებულებით. გარდა იმ შეთანხმებებისა, რომლებიც ფინანსურ ოპერაციებს წარმოადგენს

ფინანსური აქტივების გაუფასურება

საწარმო ყოველი საანგარიშგებო პერიოდის ბოლოს განსაზღვრავს, არსებობს თუ არა რაიმე ობიექტური მტკიცებულება იმ ფინანსური აქტივის გაუფასურების, რომელიც შეფასებულია თვითღირებულებით ან ამორტიზებული ღირებულებით და ობიექტური მტკიცებულების არსებობის შემთხვევაში დაუყოვნებლივ აღიარებს მოგებაში ან ზარალში. მსგავსი მტკიცებულებებია, რომ დებიტორთან იწყება გაკოტრება, ხელშეკრულების პირობების დარღვევა, ან გადახდის პირობების შეცვლის მოთხოვნა, ასევე რეგიონის არახელაყრელი ეკონომიკური პირობები.

გაუფასურების ზარალის აღდგენა

თუ შემდგომ პერიოდებში აქტივის გაუფასურების ზარალის თანხა მცირდება, რაც დაკავშირებული იქნება გაუფასურების აღიარების შემდგომ წარმოშობილ მოვლენასთან, კომპანია აღადგენს გაუფასურების ზარალს.

ფინანსური აქტივის აღიარების შეწყვეტა

ფინანსური აქტივების აღიარება წყდება, როდესაც ფინანსური აქტივიდან მისაღები ფულადი ნაკადების მიღების სახელშეკრულებო უფლებებს ვადა გასდის, ფულადი

3 ბუღალტრული აღრიცხვის მნიშვნელოვანი პოლიტიკები (გაგრძელება)

სახსრები სრულად მიღებულია ან იგი გადასცემს ფინანსურ აქტივთან დაკავშირებულ რისკს და სარგებელს სხვა მხარეს.

ფინანსური ვალდებულების აღიარების შეწყვეტა

ფინანსური ვალდებულების აღიარება წყდება, როდესაც ის შესრულდება, ხელშეკრულებით განსაზღვრული ვალდებულება დაიფარება, გაუქმდება ან ვადა გაუვა.

კომპანია მოგებაში ან ზარალში ასახავს დაფარული ან სხვა მხარისთვის გადაცემული ფინანსური ვალდებულების საბალანსო ღირებულებასა და გადახდილ კომპენსაციის თანხას შორის სხვაობას.

3.9 კაპიტალი

კომპანიის კაპიტალი ფორმირებულია აკუმულირებული მოგებით. დივიდენდი აღიარდება როგორც ვალდებულება იმ პერიოდში, რომელშიც გამოცხადდა.

3.10 ანარიცხები

ფინანსური მდგომარეობის ანგარიშგებაში ანარიცხი აღიარდება მაშინ, როდესაც კომპანიას აქვს ვალდებულება იურიდიული ან კონსტრუქციული, რომელიც წარმოიქმნა წარსული მოვლენების შედეგად და სავარაუდოა, რომ ვალდებულების დასაფარად საჭირო იქნება ეკონომიკურ სარგებელში განივთებული რესურსების გასვლა. როცა ფულის დროითი ღირებულების ეფექტი მნიშვნელოვანია ანარიცხების თანხა უნდა წარმოადგენდეს იმ დანახარჯების დღევანდელ ღირებულებას, რომლებიც მოსალოდნელია, რომ საჭირო იქნება მოვალეობის შესასრულებად, დისკონტირების განაკვეთი უნდა წარმოადგენდეს დაბეგვრამდე არსებულ განაკვეთს, რომელშიც გათვალისწინებულია ფულის დროითი ღირებულების მიმდინარე საბაზრო შეფასებებისა და მოცემული ვალდებულებებისთვის დამახასიათებელი სპეციფიკური რისკი.

3.11 მიღებული გრანტები

მიღებული გრანტი აღიარდება მიღებული ან მისაღები აქტივის რეალური ღირებულებით. გრანტი, რომელიც არ შეიცავს მომავალში გარკვეული პირობების შესრულებას, შემოსავალში აღიარდება მაშინ, როდესაც გრანტის შემოსულობები მიღებადი გახდება,

გრანტი, რომელიც ითვალისწინებს მომავალში გარკვეული პირობების შესრულებას, შემოსავალში მხოლოდ მას შემდეგ აღიარდება, როდესაც გრანტის ყველა პირობა შესრულდება.

3 ბუღალტრული აღრიცხვის მნიშვნელოვანი პოლიტიკები (გაგრძელება)

თუ გრანტის მიღება ხდება მანამდე, სანამ ამონაგების აღიარების კრიტერიუმები დაკმაყოფილდება, ასეთი გრანტი აღიარდება როგორც ვალდებულება.

შესასრულებელი პირობა არის მოთხოვნა, რომელიც გრანტის გამცემს უფლებას აძლევს არ გადასცეს გრანტის რესურსი, ან თუ ეს რესურსი უკვე გადაცემულია უკან დაიბრუნოს, თუ კონკრეტული პირობები არ იქნება შესრულებული.

3.12 მოგების გადასახადი

მიმდინარე მოგების გადასახადი არის საგადასახადო ვალდებულება პერიოდის დასაბეგრ მოგებაზე, რომელიც გაანგარიშებულია ანგარიშების თარიღისთვის არსებული საგადასახადო განაკვეთით და ითვალისწინებს წინა წლებთან დაკავშირებული საგადასახადო ვალდებულების ყველა შესაძლო შესწორებას.

2017 წლის 1 იანვრიდან საქართველოს საგადასახადო კოდექსში შევიდა მნიშვნელოვანი ცვლილებები. ეს ცვლილება შეეხო მოგების გადასახადის წარდგენას.

2017 წლის ახალი მოდელის მიხედვით მოგების გადასახადის განაკვეთი განისაზღვრავს ნულოვანი განაკვეთით, იმ შემთხვევაში თუ არ მოხდება მოგების განაწილება და დარჩება კომპანიაში გაუნაწილებელი მოგების სახით, ხოლო 15%-ით დაიბეგრება დივიდენდად განაწილებული მოგება, მაშინ როდესაც ძველი მოდელის მიხედვით კომპანიების მოგება იბეგრებოდა 15%-ით, მიუხედავად იმისა, ეს მოგება გაიცემოდა დივიდენდად, თუ კომპანიაში რჩებოდა გაუნაწილებელი მოგების სახით. 2017 წლის 1 იანვრიდან კომპანიები იბეგრებიან მოგების გადასახადით, თუ მოხდება მოგების განაწილება (დივიდენდის გაცემა) და ასევე, მოგების გადასახადით იბეგრება ისეთი ტრანზაქციები ინდივიდუალურ პირებთან, რომელიც დაკავშირებულია მოგების მიღებასთან (ბენეფიტი, საჩუქარი, გადასახადები, რომლებიც არაა ეკონომიკურ საქმიანობასთან დაკავშირებული და სხვა) ამ შემთხვევაში მოგების განაწილება იბეგრება 15/85 პროპორციით.

აღნიშნული ცვლილების გამო, არ წარმოიქმნება დროებითი სხვაობები აქტივებსა და ვალდებულებებში ფინანსური და საგადასახადო ბაზის საფუძველზე. შესაბამისად გადავადებული საგადასახადო აქტივი და ვალდებულება, მოგებიდან გადასახადები არ წარმოიქმნება 2017 წლის 01 იანვრიდან.

3.13 ამონაგების აღიარება

ამონაგების შეფასება ხდება მიღებული ან მისაღები ანაზღაურების რეალური ღირებულებით. იგი არ მოიცავს გაცემულ ყველანაირ სავაჭრო ფასდათმობას, ასევე

3 ბუღალტრული აღრიცხვის მნიშვნელოვანი პოლიტიკები (გაგრძელება)

ვადაზე ადრე გადახდის ფასდათმობებს. ამონაგებში ჩართულია მხოლოდ საკუთარი სახელით მიღებული ან მისაღები ეკონომიკური სარგებლის მთლიანი თანხა.

მომსახურების გაწევის ამონაგები აღიარდება მომსახურების ხელშეკრულების შესრულების სტადიის მიხედვით საანგარიშგებო პერიოდის ბოლოს, თუ შესაძლებელი იქნება მომსახურების გაწევის შედეგის საიმედოდ შეფასება. სხვა შემთხვევაში ამონაგები აღიარდება მხოლოდ უკვე აღიარებული ანაზღაურებადი ხარჯების ოდენობის ფარგლებში.

მომსახურების გაწევის ოპერაციის შედეგის საიმედოდ შეფასება შესაძლებელია, თუ დაკმაყოფილებულია შემდეგი პირობები:

- ამონაგების ოდენობის შეფასება შესაძლებელია საიმედოდ;
- მოცემული ოპერაციიდან მოსალოდნელია ეკონომიკური სარგებლის შემოსვლა საღაროში;
- შესაძლებელია მომსახურების მიწოდების ხელშეკრულების შესრულების სტადიის საიმედოდ შეფასება საანგარიშგებო პერიოდის ბოლოს;
- შესაძლებელია მომსახურებაზე უკვე გაწეული და ხელშეკრულების მთლიანად შესასრულებლად საჭირო მომავალი დანახარჯების საიმედოდ შეფასება;

საქონლის გაყიდვის შედეგად მიღებული ამონაგების აღიარება ხდება მაშინ, როდესაც დაკმაყოფილებული იქნება ქვემოთ ჩამოთვლილი ყველა პირობა:

- საწარმო მყიდველს გადასცემს საქონლის საკუთრებასთან დაკავშირებულ ყველა მნიშვნელოვან რისკსა და სარგებელს;
- საწარმო არ ინარჩუნებს უწყვეტ მენეჯერულ მონაწილეობას იმ დონით, რომელიც, ჩვეულებრივ, საკუთრების უფლებასთან ასოცირდება და არც გაყიდულ საქონელზე ეფექტურ კონტროლს არ ახორციელებს;
- შესაძლებელია ამონაგების თანხის საიმედოდ შეფასება;
- მოსალოდნელია, რომ საწარმო მიიღებს მოცემულ ოპერაციასთან დაკავშირებულ ეკონომიკურ სარგებელს;

შესაძლებელია მოცემულ ოპერაციასთან დაკავშირებით უკვე გაწეული ან მომავალ პერიოდში გასაწევი დანახარჯების საიმედოდ შეფასება.

3 ბუღალტრული აღრიცხვის მნიშვნელოვანი პოლიტიკები (გაგრძელება)

3.14 ნაღდი ფული და მისი ექვივალენტები

ფულადი ნაკადების ანგარიშგების შედგენის მიზნებისათვის, ფულადი სახსრების ექვივალენტები არის მოკლევადიანი, მაღალ ლიკვიდური ინვესტიციები, რომლებიც დაუბრკოლებლად გადაიცვლება ნაღდი ფულის წინასწარ ცნობილ ოდენობაზე და მათი ღირებულების შეცვლის რისკი უმნიშვნელოა. ფულადი სახსრების ექვივალენტები უფრო მეტად გამიზნულია მოკლევადიან ვალდებულებათა შესასრულებლად, ვიდრე ინვესტიციებისათვის ან სხვა მიზნით. კომპანიის მიერ ინვესტიცია კლასიფიცირდება როგორც ფულადი სახსრების ექვივალენტი, თუ იგი ადვილად გაცვლიდა წინასწარ ცნობილ ნაღდი ფულის ოდენობაზე და მისი ღირებულების შეცვლის რისკი უმნიშვნელოა.

4 ძირითადი საშუალებები

კომპანიის ძირითადი საშუალებების საბალანო ღირებულება 2024 წლის 31 დეკემბრისთვის შეადგენს 5 118 018 ლარს (2023 წელი 5 083 603). ძირითადი საშუალებები ბალანსში ასახულია ისტორიული ღირებულებით და შემცირებულია დაგროვილი ცვეთის ღირებულებით.

ცვეთის დარიცხვა ხდება ნარჩენი ღირებულებით შემცირებული აქტივების თვითღირებულების განაწილების მიზნით მათი სავარაუდო სასარგებლო მომსახურების ვადაზე, შემცირებადი ნაშთის მეთოდის გამოყენებით.

კომპანიამ 2022 წელს განახორციელა მიწის ნაკვეთების შესყიდვა შემდეგი საკადასტრო კოდებით- 01.17.13.001.357 და 01.17.13.001.037, კომპანია ასევე ფლობს უძრავი ქონებას, რომლის საკადასტრო კოდია 01.17.01.132.002.

კომპანიის ბალანზე რიცხული უძრავი ქონებები, რომელთა საკადასტრო კოდებია 01.17.01.132.002 და 01.17.13.001.357 წარმოადგენს სესხის უზრუნველყოფის საგანს და მათზე რეგისტრირებულია იპოთეკა ჯამური ღირებულებით: 3 542 213(სამი მილიონ ხუთას ორმოცდა ორი ათას ორას ცამეტი და 00/100) ლარი

შპს "პეტრე შოთაძის სახელობის თბილისის სამედიცინო აკადემიის" განმარტებითი შენიშვნები
2024 წლის 31 დეკემბერს დასრულებული წლისთვის

ღირებულება	ავეჯი და სხვა ინვენტარი	სატრანსპორტო საშუალებები	ოფისის აღჭურვილობა	შენობა	მიწის ნაკვეთები	სულ ჯამი
2023 წლის 01 იანვარი	1,126,233	90,367	798,343	2,859,959	2,234,954	7,109,855
შემოსავალი	60,834		23,327			84,161
გასავალი						-
2023 წლის 31 დეკემბერი	1,187,067	90,367	821,670	2,859,959	2,234,954	7,194,017
დაგროვილი ცვეთა და გაუფასურება						
2023 წლის 01 იანვარი	688,209	71,893	475,820	595,062	-	1,830,984
წლის ცვეთა	95,882	2,594	67,709	113,245		279,429
ცვეთის აღდგენა						
2023 წლის 31 დეკემბერი	784,091	74,487	543,529	708,307		2,110,413
საბალანსო ღირებულება 31.12.2023	402,977	15,880	278,141	2,151,652	2,234,954	5,083,603

ღირებულება	ავეჯი და სხვა ინვენტარი	სატრანსპორტო საშუალებები	ოფისის აღჭურვილობა	შენობა	მიწის ნაკვეთები	სულ ჯამი
2024 წლის 01 იანვარი	1,187,067	90,367	821,670	2,859,959	2,234,954	7,194,017
შემოსავალი	113,327		54,255	148,858		203,113
გასავალი						-
2024 წლის 31 დეკემბერი	1,300,394	90,367	875,925	3,008,817	2,234,954	7,510,457
დაგროვილი ცვეთა და გაუფასურება						
2024 წლის 01 იანვარი	784,091	74,487	543,529	708,307	-	2,110,413
წლის ცვეთა	100,164	2,075	64,762	115,025		282,026
ცვეთის აღდგენა						
2024 წლის 31 დეკემბერი	884,254	76,562	608,291	823,332		2,392,439
საბალანსო ღირებულება 31.12.2024	416,140	13,805	267,634	2,185,485	2,234,954	5,118,017

5 არამატერიალური აქტივები

კომპანიის არამატერიალური აქტივების საბალანო ღირებულება 2024 და 2023 წლის 31 დეკემბრისთვის შეადგენს 4135 ლარს, არამატერიალური აქტივები ბალანსში ასახულია ისტორიული ღირებულებით და ცვეთა არ ერიცხება.

6 სასაქონლო-მატერიალური მარაგები

მარაგების თვითღირებულება გაანგარიშებულია საშუალო შეწონილი მეთოდის საფუძველზე. ფინანსური მდგომარეობის ანგარიშში ასახული სასაქონლო-მატერიალური მარაგების ნაშთს წარმოადგენს წიგნების და სასწავლო ლიტერატურის მარაგები და საწვავი:

	31.12.2024	31.12.2023
საწვავი	5,450	1,732
სასაქონლო მარაგი	203,277	133,107
სულ	208,727	134,839

7 დარიცხული მოთხოვნები

მოთხოვნა არის მოკლევადიანი და და ამოღების ვადა განსაზღვრება ერთ წლამდე, დარიცხულ სავაჭრო მოთხოვნებს პროცენტი არ ერიცხება. მოთხოვნები აღირიცხება ლარში.

	31.12.2024	31.12.2023
გადახდილი ავანსები	20,165	27,592
საფინანსო შემოსავალი	-	20,893
სავაჭრო და სხვა მოთხოვნა	698,845	499,258
სულ	719,010	547,743

8 ფულადი სახსრები და მათი ექვივალენტები

	31.12.2024	31.12.2023
ფულადი სახსრები ლარში	65,396	289,273
ფულადი სახსრები აშშ დოლარი	1,163,243	273,217
ფულადი სახსრები გირვანქა სტერლინგი	24,351	39,278
ფულადი სახსრები ევრო	78,236	870,549
ფულადი სახსრები ჩინური იუანი	393	386
სულ	1,331,620	1,472,703

შპს "პეტრე შოთაძის სახელობის თბილისის სამედიცინო აკადემიის" განმარტებითი შენიშვნები
2024 წლის 31 დეკემბერს დასრულებული წლისთვის

9 კაპიტალი და გაუნაწილებელი მოგება

	31.12.2024	31.12.2023
კაპიტალი	1,300	1,300
რეზერვები და დაფინანსება	42,399	42,399
სულ	43,699	43,699
	31.12.2024	31.12.2023
გაუნაწილებელი მოგება	440,062	118,916
სულ	440,062	118,916

2024 და 2023 წელს დივიდენდი განაწილდა შემდეგი ოდენობით:

	31.12.2024	31.12.2023
გაცემული დივიდენდი	2,301,246	2,564,578
სულ	2,301,246	2,564,578

10 სასესხო ვალდებულება

	31.12.2024	31.12.2023
მოკლევადიანი სესხი	1,050,000	-
სულ	1,050,000	273,400
	31.12.2024	31.12.2023
გრძელვადიანი სესხის მიმდინარე ნაწილი	375,480	273,400
სულ	375,480	273,400
	31.12.2024	31.12.2023
მიღებული გრძელვადიანი სესხები	1,982,387	2,444,057
სულ	1,982,387	2,444,057

2023 წელს კომპანიამ აიღო სესხი 800 000 ლარის ოდენობით, 2022 წელს კი სრულად დაფარა სასწავლო კორპუსის მშენებლობის მიზნით აღებული სესხი და მიწის ნაკვეთების შეძენის მიზნით კვლავ აიღო სესხი, რომლის წლიური საპროცენტო განაკვეთი შეადგენს 6.5 %, ხოლო 03.11.2023 და 23.09.2025 პერიოდებიდან პროცენტი ინდექსირებულია.

2024 წელს კომპანიას მიღებული აქვს სესხი 800 000 ლარის ოდენობით, საპროცენტო განაკვეთის ტიპი ფიქსირებული 11.10 %, 19.03.2029 -დან ინდექსირებული, 1 თვიან TBIR განაკვეთს+ 2,50 % მინ 11,50 %

2024 წელს კომპანიას ასევე მიღებული აქვს მოკლევადიანი სესხები 12 თვის ვადით 1050 000 ლარის ოდენობით საპროცენტო განაკვეთი ფიქსირებული 11.75 %

შპს "პეტრე შოთაძის სახელობის თბილისის სამედიცინო აკადემიის" განმარტებითი შენიშვნები
2024 წლის 31 დეკემბერს დასრულებული წლისთვის

11 ვალდებულებები მიწოდებიდან და მომსახურებიდან

	31.12.2024	31.12.2023
ვალდებულებები მიწოდებიდან და მომსახურებიდან	24,773	27,098
სულ	24,773	27,098

12 მიღებული ავანსები

მიღებულ ავანსებს შეადგენს სტუდენტების მიერ ავანსად გადახდილი სწავლის საფასური:

	31.12.2024	31.12.2023
მიღებული ავანსები	3,186,635	3,256,267
სულ	3,186,635	3,256,267

13 საგადასახადო ვალდებულება და მოგების გადასახადი

	31.12.2024	31.12.2023
საგადასახადო ვალდებულება	54,950	34,091
სულ	54,950	34,091

2024-2023 წლებში კომპანიის გაუნაწილებელი მოგება და დარიცხული მოგების გადასახადი შეადგენს:

	2024	2023
მოგება დაბეგვრამდე	3,028,494	2,488,328
მოგების გადასახადი	(406,102)	(452,573)
	2,622,392	2,035,755

14 გადასახდელი დივიდენდი

	31.12.2024	31.12.2023
გადასახდელი დივიდენდი	16,302	16,302
სულ	16,302	16,302

15 საგრანტო ვალდებულება

კომპანია ახორციელებს შემდეგ საგრანტო პროექტებს:

1. პროექტს, რომლის სახელწოდებაცაა „Simulation in Undergraduate MEDical Education for improvement of SAFEly and Quality of Patient Care“. კომპანია წარმოადგენს კოორდინატორს და აქვს პროექტის მონაწილე რვა პარტნიორის კოორდინირების, მათ მიერ განხორციელებული აქტივობების მონიტორინგის ვალდებულება, მათ

15 საგრანტო ვალდებულება (გაგრძელება)

შორის საგრანტო ბიუჯეტის მიღების და გადაცემის ვალდებულება, პროექტის აკრონიმია SAFEMED+, განხორციელების პერიოდი 2020-2023 წწ და მისი მიზანია სამედიცინო განათლების ხარისხის გაუმჯობესება, კლინიკური უნარ-ჩვევების კურიკულუმის მოდერნიზაცია და იმპლემენტაცია,

2. პროექტს, რომლის სახელწოდებაცაა- „Life Support Training and Dissemination“ „LIFESTRAND“, კომპანია ამ საგრანტო პროექტშიც წარმოადგენს კოორდინატორს და აქვს პროექტის მონაწილე ცხრა პარნიორის კოორდინირების და მონიტორინგის ვალდებულება. პროექტის მიზანია საქართველოსა და უკრაინის მოსახლეობაში სასიცოცხლო უნარების მხარდაჭერის გაძლიერება და გავრცელება.
3. 2024 წელს მიღებული გრანტით ხორციელდება ინოვაციის ფონდის (CIF) მიერ დაფინანსებული საგრანტო პროექტი “ინოვაცია და ტექნოლოგია მედიცინაში”

	31.12.2024	31.12.2023
გრძელვადიანი საგრანტო ვალდებულება	-	65,389
სულ	-	65,389

	31.12.2024	31.12.2023
მოკლევადიანი საგრანტო ვალდებულება	206,776	963,084
სულ	206,776	963,084

16 შემოსავალი საოპერაციო საქმიანობიდან

კომპანიის საოპერაციო შემოსავალს წარმოადგენს სტუდენტებისთვის გაწეული საგანმანათლებლო მომსახურების საფასური და მასთან დაკავშირებული სერვისები, რომელთა შემოსავალში აღიარება ხორციელდება სასწავლო პერიოდის მიხედვით პროპორციულად:

	2024	2023
ინგლისურენოვანი მედიცინა	12,938,146	11,617,667
ქართულენოვანი მედიცინა	1,070,001	973,640
სხვა შემოსავალი	302,349	375,680
სულ	14,310,496	12,966,987

შპს "პეტრე შოთაძის სახელობის თბილისის სამედიცინო აკადემიის" განმარტებითი შენიშვნები
2024 წლის 31 დეკემბერს დასრულებული წლისთვის

17 საერთო და ადმინისტრაციული ხარჯი

	2024	2023
შრომის ანაზღაურება	7,624,044	6,812,557
სამუშაველო მომსახურება	1,055,166	770,201
სასწავლო პროცესის მომსახურება	439,786	517,908
საკონსულტაციო ხარჯი	216,216	452,680
ცვეთის ხარჯი	282,026	279,429
კომუნალური ხარჯი	189,804	168,321
საგრანტო ხარჯი	230,774	161,999
მივლინების ხარჯი	104,414	150,992
სამეცნიერო-კვლევითი ხარჯები	133,405	46,143
სტუდენტების დაფინანსების ხარჯი	80,194	130,114
წარმომადგენლობითი ხარჯი	74,732	116,838
საპენსიო ხარჯი	107,687	84,289
დაზღვევა	95,757	81,855
დაცვის ხარჯი	71,256	65,656
საწევრო	84,542	57,507
საგადასახადო ხარჯი	47,722	56,701
სტუდენტთა სარეგისტრაციო ხარჯი	53,250	52,915
ოფისის ხარჯები	71,250	51,524
კომუნიკაციის გადასახადი	41,676	31,317
მარკეტინგის ხარჯი	52,738	26,427
სამეურნეო ხარჯი	30,854	24,156
საწვავის ხარჯი	21,596	21,632
საიჯარო ქირა	21,851	20,226
თანამშრომელთა ტრენინგები	11,640	13,068
საქველმოქმედო	4,175	11,980
ავტორიზაციის ხარჯი	60,547	8,547
ბანკის საკომისიო	10,432	7,479
ტექნიკური მომსახურება	6,000	6,000
საკანცელარიო ხარჯი	4,400	5,577
სატრანსპორტო ხარჯი	7,162	3,587
სხვადასხვა	161,156	111,794
	11,396,253	10,349,422

იჯარა

კომპანიას იჯარით აქვს აღებული სატრანსპორტო საშუალება, საოპერაციო იჯარის ხელშეკრულებებით. იჯარის პირობები მოიცავს 1 წლიან პერიოდს და არის გაგრძელებადი.

შპს "პეტრე შოთაძის სახელობის თბილისის სამედიცინო აკადემიის" განმარტებითი შენიშვნები
2024 წლის 31 დეკემბერს დასრულებული წლისთვის

18 საფინანსო შემოსავალი

	31.12.2024	31.12.2023
საბანკო დეპოზიტი	31,178	25,259
საფინანსო შემოსავალი	-	20,893
სულ	31,178	46,152

19 საფინანსო ხარჯი

	2024	2023
საპროცენტო ხარჯი	278,067	175,899
სულ	278,067	175,899

20 შემოსავალი არასაოპერაციო საქმიანობიდან

კომპანიას აქვს მიღებული საგრანტო დაფინანსება, გაცემული სსიპ -შოთა რუსთაველის ეროვნული სამეცნიერო ფონდის მიერ “ფუნდამენტური კვლევებისათვის სახელმწიფო სამეცნიერო გრანტების შესახებ” დადგენილების საფუძველზე.

	2024	2023
შემოსავალი საკურსო სხვაობიდან	281,222	209,532
მიღებული გრანტი	165,754	134,725
სულ	446,976	344,257

21 არასაოპერაციო ხარჯები

	2024	2023
ზარალი საკურსო სხვაობიდან	85,836	300,659
უიმედო ვალი	-	13,088
სულ	85,836	313,747

22 მნიშვნელოვანი ბუღალტრული მსჯელობები და დაშვებები

დაშვებები და მსჯელობები ეფუძნება ისტორიულ გამოცდილებას, ასევე გაითვალისწინება მომავალ მოვლენებთან დაკავშირებული მოლოდინები, ასეთი დაშვებები და მსჯელობები პერიოდულად გადაიხედება, არსებულ სიტუაციასთან შესაბამისობის მიზნით.

24 მნიშვნელოვანი ბუღალტრული მსჯელობები და დაშვებები (გაგრძელება)

მნიშვნელოვანი ბუღალტრული შეფასებები

ხელმძღვანელობა შეფასებებს აკეთებს სამომავლო ფაქტორების გათვალისწინებით, მიღებული სააღრიცხვო შეფასებები შესაძლოა განსხვავდებოდეს რეალური შედეგისგან. შეფასებები და შესაბამისი დაშვებები ფასდება რეგულარულად. ბუღალტრული შეფასებების შესწორება აღიარებას ექვემდებარება იმ პერიოდსათვის, როდესაც ხდება შესწორება, თუ შესწორება ეხება მხოლოდ ამ პერიოდს, ხოლო იმ შემთხვევაში თუ იგი ეხება მიმდინარე და მომავალ პერიოდებს, შესაბამისად შესწორება მოხდება მიმდინარე და შემდგომ პერიოდებში.

შეფასებები და დაშვებები, რომლებიც შეიცავს მნიშვნელოვან რისკს, განხილულია ქვემოთ:

ძირითადი საშუალებების საციცოცხლო ვადა

მენეჯმენტი შეაფასა ძირითადი საშუალებების სასიცოცხლო ვადა, და დარწმუნებულია რომ იგი არ განსხვავდება ამ აქტივების ეკონომიკური მომსახურების ვადის ხანგრძლივობისგან. თუ რეალური სასარგებლო მომსახურების ვადა განსხვავდება ამ შეფასებებისგან, ფინანსური ანგარიშგება განსხვავებული იქნება.

უიმედო ვალი

ხელმძღვანელობა აფასებს მისაღები დებიტორული დავალიანებების დონეს ისტორიულ გამოცდილებასა და სამომავლო მოლოდინებზე დაყრდნობით. დავალიანების ამოღების რეალური ვადა შესაძლოა განსხვავდებოდეს ხელმძღვანელობის შეფასებებისგან.

ძირითადი დაშვებები მომავალთან დაკავშირებით

მენეჯმენტი დარწმუნებულია, რომ კომპანიის საქმიანობის შედეგები წარსული გამოცდილების და მიმდინარე მოვლენებისა და გარემოებების გათვალისწინებით კვლავ ზრდას განაგრძობს და აღნიშნული ფინანსური მდგრადობის ზრდა შენარჩუნდება კომპანიის ძირითადი საქმიანობის ხარისხის ზრდასა და განვითარებასთან ერთად.

მოქმედი საკანონმდებლო ბაზა იძლევა კანონის ორაზროვანი ინტერპრეტაციის საშუალებას, შესაძლოა საგადასახადო ორგანოების მოსაზრება განსხვავდებოდეს მენეჯმენტის მოსაზრებისგან, მენეჯმენტი დარწმუნებულია, რომ კომპანიის მიერ განხორციელებული საგადასახადო დაბეგვრა სრულ შესაბამისობაშია საგადასახადო კანონმდებლობასთან და კომპანიას არ გააჩნია რაიმე სახის საგადასახადო რისკი.

შპს "პეტრე შოთაძის სახელობის თბილისის სამედიცინო აკადემიის" განმარტებითი შენიშვნები
2024 წლის 31 დეკემბერს დასრულებული წლისთვის

23 გარანტიები და პირობითი ვალდებულებები

მიმდინარე პერიოდში შპს "პეტრე შოთაძის სახელობის თბილისის სამედიცინო აკადემიის" სახელზე არ მიმდინარეობს არანაირი სასამართლო დავა.

24 დაკავშირებულ მხარეთა ოპერაციები

2024-2023 წლებში შპს „პეტრე შოთაძის სახელობის თბილისის სამედიცინო აკადემიის“ განხორციელებული აქვს ქვემოთ მითითებული სამეურნეო ოპერაციები შემდეგ ურთიერთდამოკიდებულ პირებთან:

დამფუძნებლები

განხორციელებული ტრანზაქციები	2024	2023
დივიდენდის გაცემა	2,301,246	2,301,246
საფინანსო შემოსავალი	-	-
საბალანსო ნაშთები	31.12.2024	31.12.2023
დივიდენდის გაცემა	16,302	16,302
საფინანსო შემოსავალი	358,327	358,327

უმაღლესი რანგის პერსონალი/დამფუძნებლები

განხორციელებული ტრანზაქციები	2024	2023
შრომის ანაზღაურება	1,044,991	1,072,821
მომსახურება	16,875	15,000
საბალანსო ნაშთები	2024	2023
შრომის ანაზღაურება	-	-
მომსახურება	-	-

25 საანგარიშგებო პერიოდის შემდგომი მოვლენები

კომპანიამ საანგარიშგებო პერიოდის შემდგომ 2024 წლის 24 სექტემბრამდე ანაზღაურა 1 996 522.41 ლარის ოდენობის დივიდენდი.

არ არსებობს სხვა საანგარიშგებო პერიოდის შემდგომი მოვლენა, რომელიც საჭიროებს

შპს "პეტრე შოთაძის სახელობის თბილისის სამედიცინო აკადემიის" განმარტებითი შენიშვნები
2024 წლის 31 დეკემბერს დასრულებული წლისთვის

ასახვას განმარტებით შენიშვნებში.

26 ფინანსური ანგარიშგების დამტკიცება

ფინანსური ანგარიშგება დამტკიცებულია 2025 წლის 24 სექტემბერს

დირექტორი: ირინე შოთაძე

საფინანსო სამსახურის უფროსი : ეთერი აფციაური

თარიღი: 24 სექტემბერი 2025 წელი



შპს "პეტრე შოთაძის სახელობის თბილისის სამედიცინო აკადემიის" ფინანსური ანგარიშგება
2024 წლის 31 დეკემბრის მდგომარეობით
თანხა წარმოდგენილია ლარში

ფინანსური მდგომარეობის ანგარიშგება		31.12.2024	31.12.2023
გრძელვადიანი აქტივები			
ძირითადი საშუალებები	4	5 118 017	5 084 103
არამატერიალური აქტივები	5	4 135	4 135
ბიოლოგიური აქტივი		1 350	1 350
სულ გრძელვადიანი აქტივები		5 123 502	5 089 588
სასაქონლო მატერიალური მარაგები	6	208 727	134 839
სავაჭრო და სხვა მოთხოვნები	7	719 010	547 743
ფულადი სახსრები და მათი ექვივალენტები	8	1 331 620	1 472 703
სულ მიმდინარე აქტივები		2 259 357	2 155 285
სულ აქტივები		7 382 860	7 244 873
გაუნაწილებელი მოგება	9	440 062	118 916
კაპიტალი	9	1 300	1 300
რეზერვები და დაფინანსება	9	42 399	42 399
სულ კაპიტალი		483 761	162 615
საგრანტო ვალდებულება		-	65 389
სასესხო ვალდებულებები	10	1 982 387	2 444 057
სულ გრძელვადიანი ვალდებულებები		1 982 387	2 509 446
მიმდინარე ვალდებულებები			
ვალდებულებები მიწოდებიდან და მომსახურებიდან	11	24 773	27 098
მიღებული ავანსები	12	3 186 635	3 256 267
გადასახდელი ხელფასები		1 796	2 572
მოკლევადიანი სესხი	10	1 050 000	-
გრძელვადიანი სესხის მიმდინარე ნაწილი	10	375 480	273 400
საგადასახადო ვალდებულება	13	54 950	34 091
გადასახდელი დივიდენდები	14	16 302	16 302
საგრანტო ვალდებულება	15	206 776	963 082
სულ მიმდინარე ვალდებულებები		4 916 712	4 572 812
სულ კაპიტალი და ვალდებულებები		7 382 860	7 244 873

დირექტორი: ირინე შოთაძე
საფინანსო სამსახურის უფროსი: ეთერი აფციაური
თარიღი 24 სექტემბერი 2025



შპს "პეტრე შოთაძის სახელობის თბილისის სამედიცინო აკადემიის" ფინანსური ანგარიშგება
 2024 წლის 31 დეკემბრის მდგომარეობით
 თანხა წარმოდგენილია ლარში

სრული შემოსავლის ანგარიშგება		2 024	2 023
შემოსავლები მომსახურებიდან	16	14 310 496	12 966 987
საერთო მოგება		14 310 496	12 966 987
საერთო და ადმინისტრაციული ხარჯები	17	(11 396 253)	(10 349 422)
საოპერაციო მოგება		2 914 243	2 617 566
საფინანსო შემოსავალი	18	31 178	46 152
საფინანსო ხარჯი	19	(278 067)	(175 899)
სხვა არასაოპერაციო შემოსავლები	20	446 976	344 257
სხვა არასაოპერაციო ხარჯები	21	(85 836)	(343 747)
მოგება დაბეგვრამდე		3 028 494	2 488 328
მოგების გადასახადი	13	(406 102)	(452 573)
წმინდა მოგება		2 622 392	2 035 755

დირექტორი: ირინე შოთაძე
 საფინანსო სამსახურის უფროსი: ეთერი აფციაური
 თარიღი 24 სექტემბერი 2025



შპს "პეტრე შოთაძის სახელობის თბილისის სამედიცინო აკადემიის" ფინანსური
2024 წლის 31 დეკემბრის მდგომარეობით
თანხა წარმოდგენილია ლარში

ფულადი სახსრების მოძრაობის ანგარიშგება	2024	2023
ფულადი ნაკადები საოპერაციო საქმიანობიდან		
მომხმარებლებიდან მიღებული თანხები	14 100 191	12 180 848
მიღებული გრანტი	106 550	1 769 388
ბენეფიციარების აუთენტიკაციის გრანტის უკან მიღებული პროცენტი	336 222	-
სხვა	31 178	25 259
მომწოდებელზე გადახდილი თანხები	(3 125 989)	(2 756 086)
შრომის ანაზღაურება	(6 035 055)	(5 392 843)
საპენსიო ანარიცხი	(212 783)	(187 080)
გადახდილი გადასახადები	(2 333 454)	(2 268 509)
საპროცენტო ხარჯი	(278 066.77)	(175 898.75)
გადახდილი დივიდენდი	(2 186 184)	(2 269 350)
აუთენტიკაციის გრანტის დაბრუნება	(72 420)	-
ბენეფიციარების აუთენტიკაციის გრანტის დაბრუნება	(336 222)	-
ბენეფიციარებისთვის გრანტის გადაცემა	(666 543)	(799 653)
წმინდა ფულადი ნაკადები საოპერაციო საქმიანობიდან	(672 575)	126 075
ფულადი ნაკადები საინვესტიციო საქმიანობიდან		
ძირითად საშუალებების შეძენაზე გადახდილი თანხა	(316 440)	(84 162)
წმინდა ფულადი ნაკადები საინვესტიციო საქმიანობიდან	(316 440)	(84 162)
ფულადი ნაკადები საფინანსო საქმიანობიდან		
მიღებული სესხი	1 850 508	800 000
სესხებზე გადახდილი ფულადი სახსრები	(1 132 362)	(253 002)
წმინდა ფულადი ნაკადები საფინანსო საქმიანობიდან	718 146	546 998
საკურსო სხვაობის გავლენა ფულად ნაკადებზე	129 786	80 905
ფულის სახსრები და მათი ექვივალენტები პერიოდის დასაწყისში	1 472 703	802 887
ფულის სახსრები და მათი ექვივალენტები პერიოდის ბოლოს	1 331 620	1 472 703

* 2023 წელს კომპანიამ განახორციელა
არაფინანსური ოპერაცია 167000 ლარის
ოდენობით, გაცემული სესხი აღიარდა გაცემულ
დივიდენდად
დირექტორი: ირინე შოთაძე
საფინანსო სამსახურის უფროსი: ეთერი აფციაური
თარიღი 24 სექტემბერი 2025



შპს "პეტრე შოთაძის სახელობის თბილისის სამედიცინო აკადემიის" ფინანსური ანგარიშგება
 2024 წლის 31 დეკემბრის მდგომარეობით
 თანხა წარმოდგენილია ლარში

კაპიტალში ცვლილებების შესახებ ანგარიშგება	კაპიტალი/რეზერვ ები	მოგება	გაცემული დივიდენდი	სულ
<u>ნაშთი საანგარიშო პერიოდის 31.12.2022</u>	<u>43 699</u>	<u>647 739</u>	<u>-</u>	<u>2 126 667</u>
კაპიტალის გაზრდა/შემცირება ფულადი სახსრებით	-	-	-	-
კაპიტალის გაზრდა/შემცირება ქონებრივი შენატანით	-	-	-	-
მოცემული პერიოდის მოგება	2 035 755	2 035 755	(2 564 579)	(528 823)
<u>ნაშთი საანგარიშო პერიოდის 31.12.2023</u>	<u>43 699</u>	<u>2 683 494</u>	<u>(2 564 579)</u>	<u>162 615</u>

დირექტორი: ირინე შოთაძე
 საფინანსო სამსახურის უფროსი: ეთერი აფციაური
 თარიღი 24 სექტემბერი 2025

შპს "პეტრე შოთაძის სახელობის თბილისის სამედიცინო აკადემიის" ფინანსური ანგარიშგება
 2024 წლის 31 დეკემბრის მდგომარეობით
 თანხა წარმოდგენილია ლარში

კაპიტალში ცვლილებების შესახებ ანგარიშგება	კაპიტალი/რეზერვები	მოგება	გაცემული დივიდენდი	სულ
<u>ნაშთი საანგარიშო პერიოდის 31.12.2023</u>	<u>43 699</u>	<u>118 916</u>		<u>162 615</u>
კაპიტალის გაზრდა/შემცირება ფულადი სახსრებით				-
კაპიტალის გაზრდა/შემცირება ქონებრივი შენატანით		2 622 392	(2 301 246)	(528 823)
მოცემული პერიოდის მოგება	<u>43 699</u>	<u>2 741 308</u>	<u>(2 564 578)</u>	<u>220 429</u>
<u>ნაშთი საანგარიშო პერიოდის 31.12.2024</u>				

დირექტორი: ირინე შოთაძე
 საფინანსო სამსახურის უფროსი: ეთერ აფციაური აფციაური
 თარიღი 24 სექტემბერი 2025

